

Ugovor  
za izradu Projekta sanacije proloma tla u Velikom parku, Općina Centar Sarajevo

Član 1.  
(Ugovorne strane)

Ugovor se zaključuje, između

- 1) JU Kantonalni zavod za zaštitu kulturno-historijskog i prirodnog naslijeđa Sarajevo, Josipa Štadlera 32, koga zastupa direktor Nerven Dacić, dipl.ing.arh. kao naručilac (u daljem tekstu: Naručilac).  
Identifikacioni broj 4200004140005 i
- 2) Građevinski fakultet Univerziteta u Sarajevu - Institut za geotehniku i geologiju, sa sjedištem u ulici Stjepana Tomića br.3, 71 000 Sarajevo, koga zastupa i predstavlja dekan fakulteta, prof.dr.sc. Samir Dolarević, dipl.ing.građ., kao Izvršioc usluga sa druge strane (u daljem tekstu: Izvršilac).  
Identifikacioni broj: 4200287770000

Član 2.  
(Predmet ugovora)

Naručilac povjerava, a Izvršilac preuzima obavezu izrade Projekta sanacije proloma tla u Velikom parku, Općina Centar Sarajevo, prema dostavljenoj ponudi Izvršioca broj: 04-1-203-4/19 od 18.3.2019. godine koja je sastavni dio ovog Ugovora, po provedenom postupku direktnog sporazuma.

Član 3.  
(Cijena usluge i način plaćanja)

- (1) Ukupna vrijednost usluge iz člana 2. ovog ugovora bez uključenog PDV-a iznosi 5675,00 KM (slovima: pethiljadašeststotinasedamdesetpet i 00/100 KM).
- (2) Nakon realizacije aktivnosti po ovom ugovoru, te dostavljanja Projekta sanacije proloma tla u Velikom parku, Općina Centar Sarajevo, realizacija izmirenja obaveza Naručioca po ovom ugovoru će se izvršiti, u roku od 8 dana, putem pokretanja procedura i postupaka preraspodjele sredstava u Budžetu Kantona Sarajevo, posredstvom Ministarstva finansija Kantona Sarajevo i Vlade Kantona Sarajevo, u cjelokupnom novčanom iznosu i to sa razdjela 22, glava 02, potrošačka jedinica 0008 (22020008), ekonomski kod 615200, subanalitika MIU024- Kapitalni transferi pojedincima/Prirodna baština Kantona Sarajevo, koja se preraspodjeljuju na razdjel 21, glava 04, potrošačka jedinica 0015 (21040015), ekonomski kod 613900 – Ugovorene i druge posebne usluge, funkcija 094.

Član 4.  
(Rok izvršenja posla)

- (1) Ugovorne strane su saglasne da je krajnji rok izvršenja posla 30 dana od dana potpisivanja ovog ugovora.
- (2) Izvršilac posla se obavezuje dostaviti Projekat sanacije proloma tla u Velikom parku, Općina Centar Sarajevo u 6 (šest) kopija i na 6 (šest) CD-ova, u prostorije Kantonalnog Zavoda za zaštitu kulturno-historijskog i prirodnog naslijeđa Sarajevo, u ulici Josipa Štadlera 32 Sarajevo.
- (3) Ugovorne strane mogu raskinuti ugovor i prije protoka vremena na koji je zaključen, u skladu sa odredbama ovog ugovora i u skladu sa Zakonom.

Član 5.  
(Primjena Zakona o obligacionim odnosima)

Na prava i obaveze strana koje nisu utvrđene ovim ugovorom primjenjuju se opći propisi o obligacionim odnosima.

Član 6.  
(Ostale odredbe)

- (1) Ugovor prestaje istekom roka na koji je zaključen.
- (2) Ugovorne strane su saglasne da eventualno nastale sporove rješavaju mirnim putem, a ukoliko nastali spor ne budu mogle riješiti mirnim putem, isti će rješavati nadležni sud u Sarajevu.
- (3) Sve izmjene i dopune ovog Ugovora, vršit će se uz saglasnost ugovornih strana i uz sačinjavanje Anex-a ugovora
- (4) Ovaj Ugovor sačinjen je u četiri primjerka od kojih po dva primjerka dobijaju obje ugovorne strane.
- (5) Ugovor se smatra zaključenim kada ga ovjere i potpišu zastupnici Naručioca i Izvršioca.

IZVRŠILAC



Dekan prof.dr.sc. Samir Dolarević, dipl.ing.građ

Broj: 04-1-203-6/19

Sarajevo, 25.03.2019.

NARUČIOCI



Direktor Nerven Dacic, dipl.ing.arh.

Broj: 532/19

Sarajevo, 22.3.2019.